



1623_127.jpg



1623_128.jpg



128 M. DC. XXIII.
auroit respondu n'en auoir iamais manié ny
tiré. Que luy & les trois autres auroient atten-
du responcé iusques au soir qu'ils auoient esté
apprehendez & baillez en garde. **TOUTES**
lesquelles factions & menées estans tres-abo-
minables & pernicieuses, tendantes à la per-
turbation de l'Estat du pays, & de tous les ha-
bitans d'icelluy, l'exposans au peril d'une ef-
froiable effusion de sang, pour donner crain-
te & effroy à semblables, pernicieuses & de-
testables personnes par vn leuere & exemplai-
re chastement.


LADITE Cour apres meure deliberation,
le tout veu, pezé, & bien consideré autant
que le cas le requiert: Et faisant droict au
nom & pour la Souueraine Magistrature des
Comtez de Hollande, Zelande & Frize, A de-
claré & declare ledict prisonnier atteint &
conuaincu du crime de leze Majesté: l'a con-
damné & condamne d'auoir la teste trenchee
au lieu accoustumé de l'execution de iustice,
par l'executeur ordinaire; son corps mis sur v-
ne rouë, sa teste plantee sur vn pieu, & tous ses
biens meubles & immeubles confisquez.

Faict à la Haye par Maistre Nicolas Crom-
holt President, Pierre Couvembourg de Bel-
loys, Henry Rosa, Gelain Alleman, Guillaume
van Bachdorp, André de Vith, René van Per-
sijn, Iean Oom van VVingaerden, Iean Soe-
nyeus, Iean Dedel, & Abraham vander Meers,
Tous Conseillers de Hollande: Et prononcé
le vingtseptiesme de Feurier mil six cents vingt
& trois.

Signé.

F. Crip.
Voilà

1623_129.jpg



Histoire de nostre temps.

129


Voilà la reueur des trois Arrests de mort donnez contre quatre de ceux qui auoiēt entrepris d'assassiner le Prince d'Orenge, lesquels furent executez le mesme iour; Les espees & poignards qu'ils portoient Lors qu'on les prit, furent aussi rompus deuant eux auant que leur trancher les testes. Voyons de fuitte les arrests contre les accusez d'estre des principaux autheur de ceste conspiration.

Arrest contre René de Barnevelt, seur de Groenevelt. Du 29 Mars 1623.


RENÉ de Barneveldt Seigneur de Groenevelt à present prisonnier, ayant confessé hors les tourments de la gehenne & les fers, deuant la Cour de Hollande, Que depuis quelque temps en çà ayant par plusieurs fois tenu des discours touchant l'estat & gouuernement present du pays, avec Guillaume de Barneveldt son frere, & plusieurs autres, & quelle apparence il y auroit de le changer: Il auroit entendu de sondit frere, qu'icelluy estant allé à Leyden trouuer Bernard Duniglo, cy deuant Ministre en ladite ville, pour sçauoir comment s'y portoient les affaires des Remonstrans: Ledit Duniglo auroit dit à ce propos, Que si les autres villes commençoient, il trouueroit peu de difficulté dans Leyden. Qu'il y a plus d'un an, que sondit frere luy auroit encor dit entre autres choses, que les affaires des Remonstrans ne pouuoient estre redressees, qu'en

9. Tom.


1623_130.jpg




1623_131.jpg




1623_132.jpg



1623_600_1.jpg



1623_133.jpg




Histoire de nostre temps.

133


estants subitement partis d'avec luy, il luy au-
roit dit derechef, Il faut qu'il passe (denotant
comme dessus par là le Prince) tout le monde
le veut ainsi. Que le Samedi ou Dimanche au-
parauant le iour de ieusne, qui estoit le 4. ou 5.
de Feurier, sondit frere, ou Corenvinder, luy
auroit diét que ledit van Dic estoit arriué à la
Haye avec quatorze ou quinze hommes pour
mettre à chef l'entreprinse contre le Prince:
que c'estoient gens ramassez de Leyden, Rot-
terdam, & autres endroicts, qui ne se cognois-
soient les vns les autres, qu'ils estoient prests,
& que le plustost seroit le meilleur, & que cela
se feroit le Prince allant à Rijsvic: que ces gens,
le fait executé, prendroient la fuitte & se sau-
ueroient le long de certaines leuees qu'on leur
auoit monstrees. Qu'au mesme temps son frere
& Corenvinder estans tumbes avec luy sur
ces mesmes propos de ladite entreprinse con-
tre son Excellence, sondit frere luy auroit dit,
Vous demeurez irresolu en l'execution, si ie
voulois tout vostre bien seroit mien; Mais
qu'il auroit adiousté, que le tout se parferoit.
que pour moyenner le changement ez villes,
le susdit Coors Ianssen van Alphen s'estoit
chargé de commencer ez villes de Rotterdam,
Goude & Schoonhoue: que sondit frere luy a-
uroit dit encores, que quelques vns de la Haye
luy auoient dit, qu'il pourroit bien trouuer
quelque quantité d'hommes pour s'opposer
au trouble s'il s'en esmouuoit, mais que de
dehors il faudroit bien trois cents hommes.
qu'il auroit aussi entendu dudit Corenvinder,

I iij

1623_600_2.jpg



1623_134.jpg



134. M. D. C. XXIII.
que le lendemain apres l'execution viendroient
trois cents payfans de la Veene à la Haye, & y
seroient amenez par les Maires & Greffiers de
posez, des villages: que ledit Corenvinder au-
roit pareillement dit à son frere, que l'argent
qui seroit employé pour le susdit dessein seroit
restitué & leué par collectes.

TOUTES ces menées estans de tres-mes-
chante & horrible consequence, tendant à la
perturbation de l'Estat & au peril d'une estran-
ge effusion de sang, & partant dignes de puni-
tion exemplaire.

LA SUSDITE Cour apres meure delibe-
ration du Conseil, ayant veu & pezé le tout ce
qui estoit requis en ce cas, Faisant droit au
nom & pour la Souueraine Magistrature des
Comtez de Hollande, Zelande & Frize, A de-
claré & declare par les presentes le susdit pri-
sonnier atteint & conuaincu du crime de lèze
Majesté: Le condamne a estre mené au lieu
accoustumé des executions de Iustice, & là a-
voir la teste trenchee: declare tous ses biens
confisquez.

Fait à la Haye par Maistre Nicolas Crom-
holt President, Pierre Couvembourch de Bel-
loys, Henry Rosa, Gelain Alleman, Guillaume
de Bachdorp, André de Vith, René de Per-
sin, Iean Oom de VVingaerden, Iean Soe-
nyeus, Iean Dedel, & Abraham vander Meers,
Tous Conseillers de Hollande: Et prononcé
le vingtneufiesme de Mars mil six cents vingt
& trois.

Signé.

F. Crip.

Image issue du site mercurefrancois.ehess.fr - Cliché (c) Cécile Soudan